



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqqutip nr. 195/2022-p akineqarnera.

Asasara Anna Wangenheim

Inatsisartut suleriaasianni § 37, imm. 1 naapertorlugu Naalakkersuisunut apeqqutinik saqqummiussa qarputit.
Naalakkersuisut apeqqutigineqartunut qujapput, taakkulu tullinguuttuni issuarneqarput akineqarlutillu.

31-10-2022
Suliap normua 2022 - 20634
All. nr. 21502213

Postboks 1160
Oqa.: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

1. Napparsimasut qassit Danmarkimi nunanilu allani passunneqarnissaannut akiliukkallarneqarsimappat ukiuni tallimani kingullerni?

Akissut:

2017-miit 2021-mut Danmarkimut aamma nunamut allamut ¹katsorsartinnissamut akiliukkallarneqarsimasut tamarmik nalunaarsorneqarneri ataaniipput² – takussutissiaq 1 takuuk.

Takussutissiaq 1: Akiliukkallarneqarsimasut amerlassusaat

Ukioq	Akiliukkallarneqarsimasut amerlassusaat
2.017	1298
2018	1354
2019	1407
2020	1225
2021	1201

a. Taakkunannga qassit passunneqarnertik akiliukkallarneqarsimanertillu naammassisimavaat, ukiut tallimat kingulliit iluanni, qaangiinissaannut nalilersorneqarsimannginnera pissutaalluni?

Akissut:

Ukiuni kingullerni tallimani, napparsimasut qaangiinissaannut nalilersorneqarnerisa amigaataaneri pissutaallutik, Peqqinnissaqarfiup napparsimasut qassit katsorsartinnerminnik aamma akiliukkallarneqarnerminnik naammassisimanersut kisitsisaatiginngilaat.

¹ Akiliukkallarneqarsimasut: Kalaallit Nunaanni Peqqinnissaqarfik Danmarkimi / nunami allami peqqinnissakut sullissinissamik qularnaveeqqusiigaangat.

² 2020-mi aamma 2021-mi akiliukkallarneqarsimasut ikinnerunerannut coronap tuniluunnerata nalaani killilersuutit aamma mattussinerit pissutaasimassanganneqarput.

Ilisimatitsissutigineqarsinnaavoq Nunatsinniit misissortikkiartortut- imaluunniit katsorsartikkiartortut pilersaarutaasumiit naammassineqanngitsut pissutaasut amerlasinnaaneri. Ilaatigut pissutaasinnaavoq napparsimasup qanoq issusia, nappaatip suussusersineqarnerata allanngortinneqarnera, imaluunniit napparsimasoq katsorsartinnermut atatillugu aallarusunnginnera il.il.

b. Taakkunanga qassit ukiut tallimat kingulliit iluanni akiliukkallarneqarnissamik itigartitaasimappat? Itigartitaanerannut suut peqqutaanerpaasimappat?

Akissut:

Napparsimasut allattorsimaffii ataasiakkaarlugit misissorneqarnissaat tamatuma piumasaqaatigissavaa, aamma akiliukkallarneqarnissamut qinnuteqartunut itigartitsissutigineqartut kisitsisaat pillugit nakorsaanermik akisussaasumik oqaloqateqaqqaartariaqassaaq. Taamaattumik apeqqut § 37-mut malitassat iluanni akissutigineqarsinnaanngilaq. Ilassutigineqarsinnaavoq akiliukkallarneqarnissamut qinnuteqaatinut itigartitsissutit napparsimasut ataasiakkaarlugit nakorsamit immikkut nalilersorneqqaartarmata.

2. Naalakkesuisut aalajangersakkat malillugit tulleriissaarisarnermut ataatsimiititaliaamit imaqarnilianik tigusaqarsimappat?

Akissut:

Peqqinnissaqarfiup Tulleriissaarisarnermut ataatsimiititaliaa pillugu Namminersorlutik Oqartussat nalunaarutaat nr. 31, 1. december 2006-imeersoq malillugu Peqqissutsimut Naalakkersuisoq imaqarnilianik tigusaqartarpoq.

a. Taamaassimappat, taakkununga imaqarnilianut Naalakkersuisut qanoq isummerpat?

Akissut:

Peqqissutsimut Naalakkersuisoq Peqqinnissaqarfiup Tulleriissaarisarnermut ataatsimiititaliaanit imaqarniliat tusaatissatut tiguserpai.

3. Peqqinnissaqarfiup tulleriissaarisarnermut ataatsimiititaliaata atuuttumut nalunaarut allanngortinneqarnissaanik Naalakkersuisut pilersaaruteqarpat?

Akissut:

Aap, Naalakkersuisut Peqqinnissaqarfiup Tulleriissaarisarnermut ataatsimiititaliaa pillugu nalunaarummik nutaamik atulersitserusupput.

Peqqissutsimut Naalakkersuisoqarfik *Uunga siunnersuut: Peqqinnissaqarfiup Tulleriissaarisarnermut ataatsimiititaliaa pillugu Namminersorlutik Oqartussat nalunaarutaat* ukioq manna siusinnerusukkut tusarniaassutigaa. Tamatuma kingorna, tusarniaassummut akissutit tunngavigalugit nalilerneqarpoq, arlalinnik aqqitassaartoq, tamatumalu kingorna *Uunga siunnersuut: Peqqinnissaqarfiup Tulleriissaarisarnermut ataatsimiititaliaa pillugu Namminersorlutik Oqartussat nalunaarutaat* nutaamik tusarniaassutigineqassasoq.

a. Aappiuppat, allannguutit sunik imaqassappat qaqugulu allanngortinneqarnissaa pilersaarutigineqarpa?

Akissut:

Peqqinnissaqarfiup Tulleriissaarisarnermut ataatsimiititaliaa pillugu nalunaarut nutaap imarisaa naalakkersuinikkut suliarineqarpoq. Nalunaarut nutaq qaqugu atuutilissanersoq suli qulakkeerneqanngilaq.

**b. Naaggaappat, politikikkut tunngavigineqartunik tunngavilersorli,
sunalu taamaaliunnginnermut peqqutaanersoq?**

Akissut:

Apeqquut 3a-mut akissut innersuussutigineqarpoq.


**4. Naalakkersuisut sammisamut soqutiginaatilinnik allanik
paasissutissiisinnaappat?**

Akissut:

Naalakkersuisut allanik paasissutissaateqanngillat.

Inussiarnersumik Inuulluaqqusillunga

Med venlig hilsen



Mimi Karlsen